

2023 NCEA Pūrongo Aromatawai

Wāhanga Ako	Te Reo Matatini
Rā Aromatawai	6 ki te 10 o Noema 2023
Te Momo Aromatawai	Tūmahi Aromatawai Pātahi (TAPA), Kete Manarua
Te Paerewa Paetae	32414

Wāhanga 1: He Tirohanga Whānui

1) Tūmahi Aromatawai Pātahi - i tū ai i ngā rā 6 ki te 10 o Noema 2023.

E toru ngā Wāhanga o te Tūmahi Aromatawai Pātahi: Ko te Whakarongo, Kōrero, Pānui me te Tuhituhi. He āhua 60 meneti te roa o ia Wāhanga, ā, ka whakahaerehia e ngā kaiako, kaiwhakahaere rānei i taua wiki tonu. Heoi, kia uru atu ngā ākonga ki tētahi o ngā Wāhanga o te Aromatawai ā-Waho ki reira whakaoti ai i taua rā tonu, i mua rāno i te 5.30 karaka o te ahiahi.

Ko ngā whakautu, he whirirau, he whakautu poto, he kōwhiri i te kupu e tika ana, he whakautu pātai, he tīpako i ngā kupu e hē ana i te rerenga kōrero, he tuhinga roa, he kauwhau hoki. Katoa ngā tūmahi o ngā wāhanga e toru, e ārahi ana i te ākonga ki te eke i ngā Tīpako o te Paerewa nei. Ka mutu e hāngai ana ki ngā Tautuhinga Aromatawai ā-Waho, 2023.

2) Kete Manarua - mai i te marama o Maehe ki te marama o Oketopa, 2023.

E whā ngā Wāhanga o te Kete Manarua: Ko te Whakarongo, kōrero, Pānui me te Tuhituhi. He kohikohinga taunakitanga ā ngā ākonga i te roanga ake o te tau, ā, ka ahu mai ngā taunakitanga i ngā kaupapa, i ngā horopaki rānei nā te ākonga, nā te kaiako, nā te kura hoki i whakatau hei whai mā te ākonga.

Katoa ngā taunakitanga, e ārahi ana i te ākonga ki te eke i ngā Tīpako o te Paerewa nei. Ka mutu e hāngai ana ki ngā Tautuhinga Aromatawai ā-Waho, 2023.

He tāpaetanga ā-matihiko ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau aha atu aha atu.

Wāhanga 2: He kōrero mō te Paerewa

Ma ngā ākonga te Paerewa nei e rumakina ana ki te reo Māori, nā reira ka uua rawa ki ngā ākonga kāore i te ako mā te reo Māori. Mātua whakarite ngā ākonga kia waia ai rātou ki ngā pūkenga Reo Matatini ngohe pānui, whakarongo, tuhituhi me te kōrero.



Wāhanga Ako	Te Reo Matatini
Rā Aromatawai	6 ki te 10 o Noema 2023
Te Momo Aromatawai	Tūmahi Aromatawai Pātahi (TAPA), Kete Manarua
Te Paerewa Paetae	32414

E rua ngā Tipako o te Paerewa:

Tipako 1: Ka mārama, ka tautohu i ngā whakaaro matua o te tuhinga.

Paearu Mahi: Ka kōwhiri, ka whakamahi te ākonga i ngā rautaki kia mārama ai te tuhinga; Ka tautohu te ākonga i ngā pārongo matua; Ka tautohu hoki te ākonga i ngā pārongo hauarea me ngā kōrero horihori.

Tipako 2: He whakamahi i te reo kia tutuki ai tētahi pūtakenga whakawhiti kōrero.

Paearu Mahi: Ka kōwhiri te ākonga i ngā rautaki matua e tutuki ai te pūtakenga whakawhiti kōrero; Ka mārama te ākonga i ngā whakaaro matua; Ka whakamahi te ākonga i te reo kia hāngai ki te horopaki, ki te hunga pānui/whakarongo me te kaupapa; Ka tika hoki te reo o te ākonga.

Ko ngā ākonga i whakawhiwhia ki te Paerewa nei:

- he kōrero tene te āhua, ā, he kiko tō te kōrero.
- i whakamahia ngā whakataukī e whai pānga ana, e whakakīnaki ana i ngā kōrero.
- he whakaatu māramatanga i ngā kōrero me ngā whakaaro.
- he whakaatu i te whakawanaketanga mai o ngā whakaaro.
- ka whakawhānui i ngā whakaaro me ngā kōrero.
- he pai te hanga me te whakaraupapatanga o ngā kōrero.
- he pai te whakahua i ngā kupu, kāore i tapepe te reo.
- he pakari te reo ā-tinana, te mita, te taki o te reo kōrero hoki.
- he pakari rawa te āhua o te tū.
- he kōrero tene te āhua o te tuku i ngā kōrero.
- i rere noa te reo kōrero me ngā whakaaro.



Wāhanga Ako	Te Reo Matatini
Rā Aromatawai	6 ki te 10 o Noema 2023
Te Momo Aromatawai	Tūmahi Aromatawai Pātahi (TAPA), Kete Manarua
Te Paerewa Paetae	32414

Ko ngā ākonga kāore i whakawhiwhia ki te Paerewa nei:

- he tino whāiti ngā whakaaro i puta.
- kāore he kiko tō te kōrero.
- ehara i te kōrero tene, i te kōrero tūturu rānei.
- he āhua ūrite ngā kōrero ā tētahi ki tētahi atu.
- kāore te kiriata i whakaatuhia katoa te tinana o te ākonga.
- ka rawekehia te āhua o te kiriata me te kauwhau i mua i te tāpaetanga mai.
- kāore he māramatanga tō ngā kōrero.
- he hoihoi rawa te rūma e kauwhautia ana, ā, he pōrearea.
- he roa ake te tauparapara, te mihi rānei i te kaupapa kōrero.
- he puna kupu iti noa iho.
- kāore i whakautu tika i te/ngā pātai, kāore rānei e hāngai ana ki te kaupapa/horopaki.
- he nui ngā hapa kārawarawatanga ie: tohutō, tuhinga ā-kōwae, pū matua.
- he nui ngā hapa o te whakahua kupu.
- he reo pākehā.

